

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Sl. novine FBiH", broj: 12/03, 34/03 i 65/13) i člana 23. stav 1. tačka e), člana 19. Odluke o utvrđivanju standarda i kriterija Vlade Zeničko-dobojskog kantona za imenovanje/norminiranje na upražnjenu poziciju u reguliranim tijelima Zeničko-dobojskog kantona („Sl. novine Zeničko-dobojskog kantona broj: 4/15, 7/15 i 11/16) i člana 21. Statuta Javne zdravstvene ustanove Zavod za bolesti ovisnosti Zeničko-dobojskog kantona broj: 338-III-2/12 U.O od 31.08.2012. godine, u postupku imenovanja jednog člana Upravnog odbora Javne zdravstvene ustanove Zavod za bolesti ovisnosti Zeničko-dobojskog kantona, iz reda zdravstvenih radnika ustanove, Ministarstvo zdravstva Zeničko-dobojskog kantona, objavljuje

#### JAVNI OGLAS

za imenovanje jednog člana Upravnog odbora Javne zdravstvene ustanove Zavod za bolesti ovisnosti Zeničko-dobojskog kantona, iz reda zdravstvenih radnika ustanove

Objavljuje se javni oglas za imenovanje jednog člana Upravnog odbora Javne zdravstvene ustanove Zavod za bolesti ovisnosti Zeničko-dobojskog kantona, iz reda zdravstvenih radnika ustanove, na period od 4 (četiri) godine, s mogućnošću ponovnog imenovanja.

Upravni odbor ima 5 (pet) članova i čine ga predstavnici:

- osnivača 3 (tri) člana, od kojih jedan mora biti ispred Ministarstva zdravstva Zeničko-dobojskog kantona,
- stručnih radnika zdravstvene ustanove 2 (dva) člana, od kojih jedan mora biti iz reda zdravstvenih radnika.

Članu upravnog odbora pripada naknada za rad u iznosu utvrđenom od strane osnivača.

#### Opis pozicije

Član upravnog odbora zdravstvene ustanove u skladu sa članom 65. Zakona o zdravstvenoj zaštiti („Sl. novine FBiH", broj: 48/10 i 75/13) obavlja sljedeće poslove:

- donošenje statuta zdravstvene ustanove,
- imenovanje i razrješavanje direktora, odnosno vršioca dužnosti direktora zdravstvene ustanove,
- utvrđivanje plana rada i razvoja zdravstvene ustanove,
- utvrđivanje godišnjeg programa rada,
- donošenje finansijskog plana i usvajanje godišnjeg obračuna,
- donošenje općih akata o unutrašnjem uređenju i sistematizaciji poslova i drugih općih akata, u skladu sa zakonom i statutom zdravstvene ustanove,
- odlučivanje o svim pitanjima, obavljanja djelatnosti radi kojih je zdravstvena ustanova osnovana, ako zakonom nije određeno da o određenim pitanjima odlučuje drugi organ zdravstvene ustanove,
- usmjeravanje, kontrolisanje i ocjenjivanje rada direktora,
- rješavanje svih pitanja odnosa sa osnivačem,
- odlučivanje o korištenju sredstava preko iznosa utvrđenog statutom zdravstvene ustanove,
- odgovaranje osnivaču za rezultate rada zdravstvene ustanove,
- odlučivanje o prigovoru zaposlenika na rješenje kojim je drugi organ, određen statutom zdravstvene ustanove, odlučio o pravu, obavezi i odgovornosti zaposlenika iz radnog odnosa,
- podnošenje osnivaču najmanje jedanput godišnje izvještaja o poslovanju zdravstvene ustanove,
- obavljanje i drugih poslova u skladu sa zakonom i statutom zdravstvene ustanove.

#### Opći uvjeti za imenovanje

Kandidat za imenovanje u upravni odbor treba ispunjavati sljedeće opće uvjete:

1. da je državljanin Bosne i Hercegovine,
2. da je stariji od 18 godina,
3. da nije otpušten iz državne službe kao rezultat disciplinske mjere (bilo na nivou države ili entiteta) u periodu od tri godine prije dana objavljivanja upražnjene pozicije,
4. da se na kandidata ne odnosi član IX. 1. Ustava Bosne i Hercegovine,
5. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima FBiH ("Službene novine FBiH", broj: 12/03, 34/03 i 65/13),
6. da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u organima vlasti u Federaciji Bosne i Hercegovine („Službene novine FBiH", broj: 70/08),
7. da nema privatni i/ili finansijski interes u zdravstvenoj ustanovi u čiji se upravni odbor kandiduje,
8. da nije osuđivan za krivično djelo nespojivo sa imenovanjem u upravni odbor, pet godina od dana pravosnažnosti presude, isključujući vrijeme zatvorske kazne i
9. da mu nije izrečena zaštitna mjera zabrane obavljanja aktivnosti, tri godine od dana pravosnažnosti odluke o izrečenoj zaštitnoj mjeri.

#### Posebni uvjeti za imenovanje

Kandidat za člana upravnog odbora mora ispunjavati sljedeće posebne uvjete:

1. VSS, (VII stepen) stručne spreme, dokaz o završenom visokom obrazovanju, odnosno prvog (najmanje 240 ECTS bodova), drugog ili trećeg ciklusa Bolonjskog sistema studiranja zdravstvene struke,
2. najmanje 5 godina radnog iskustva u struci,
3. da nije član nadzornog odbora ili upravnog odbora, odnosno odbora za reviziju u više od jednog privrednog društva,
4. komunikacijske i organizatorske sposobnosti,
5. sposobnost tumačenja ekonomskih, tehnoloških i pravnih analiza i propisa,
6. rezultati rada ostvareni tokom poslovne karijere, posebno u oblasti zdravstva i zdravstvenog osiguranja.

#### Dokazi

Prijave kandidata na oglas treba da sadrže: kraću biografiju, adresu, kontakt telefon.

Uz prijavu treba dostaviti originalne dokumente ili ovjerene kopije tih dokumenata kao dokaz o ispunjavanju općih i posebnih uvjeta i to:

1. univerzitetsku diplomu,
2. uvjerenje o državljanstvu ili ovjerenu kopiju lične karte,
3. dokaz o radnom iskustvu na poslovima svog stručnog zvanja,
4. ovjenu izjavu da nije otpušten iz državne službe kao rezultat disciplinske mjere u periodu od tri godine prije objavljivanja oglasa,
5. ovjenu izjavu kandidata da se na njega ne odnosi član IX. stav 1. Ustava Bosne i Hercegovine,
6. ovjenu izjavu da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine (Sl. novine FBiH", broj: 12/03, 34/03 i 65/13),
7. ovjenu izjavu da nije član organa zakonodavne, izvršne ili sudske vlasti ili savjetnik u smislu zakona o sukobu interesa u organima vlasti u Federaciji Bosne i Hercegovine („Sl. novine FBiH", broj: 70/08),
8. ovjenu izjavu da nema privatni i/ili finansijski interes u Javnoj zdravstvenoj ustanovi Zavod za bolesti ovisnosti Zeničko-dobojskog kantona, u čiji se upravni odbor kandiduje,
9. ovjenu izjavu da nije član nadzornog ili upravnog odbora, odnosno odbora za reviziju u više od jednog privrednog društva,
10. uvjerenje da kandidatu nije izrečena zaštitna mjera zabrane obavljanja aktivnosti, tri godine od dana pravosnažnosti odluke o izrečenoj zaštitnoj mjeri, izdato od nadležnog općinskog suda prema mjestu prebivališta kandidata.

Dokaz da kandidat nije osuđivan za krivično djelo, nespojivo sa imenovanjem na poziciju u upravni odbor Javne zdravstvene ustanove Zavod za bolesti ovisnosti Zeničko-dobojskog kantona, pet godina od dana pravosnažnosti presude, isključujući vrijeme zatvorske kazne, ovo Ministarstvo će pribaviti po službenoj dužnosti od nadležnog Ministarstva unutarnjih poslova, za kandidate koji uđu u uži izbor.

Sa kandidatima koji uđu u uži izbor Komisija će obaviti intervju. Prije intervjua kandidati će biti pozvani da daju podatke o ranijim neposrednim rukovodiocima od kojih se mogu, eventualno, zatražiti dodatne preporuke i informacije o njihovom dosadašnjem radu i dužni su popuniti obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja.

U slučaju kada postoje dokazi da u postupku imenovanja nisu ispoštovani principi ili postupci utvrđeni Zakonom o ministarskim, vladinim i drugim imenovanjima Federacije Bosne i Hercegovine, bilo koji kandidat ili bilo koji član javnosti može podnijeti prigovor na konačno imenovanje.

Prigovor se podnosi Ministarstvu zdravstva Zeničko-dobojskog kantona u roku od sedam (7) dana od dana imenovanja, a kopija se dostavlja Ombudsmenu za ljudska prava BiH.

Lični podaci o podnosiocima prijava su tajni i mogu se prikupljati i obrađivati samo u skladu sa Zakonom o zaštiti ličnih podataka Bosne i Hercegovine („Službeni glasnik BiH", broj: 49/06, 78/11 i 89/11).

Prijave sa traženim dokumentima se dostavljaju lično ili poštom na adresu Zeničko-dobojski kanton – Ministarstvo zdravstva, Kućukovići 2, 72000 Zenica, sa naznakom: „ZA IMENOVANJE NA POZICIJU ČLANA UPRAVNOG ODBORA JAVNE ZDRAVSTVENE USTANOVE ZAVOD ZA BOLESTI OVISNOSTI ZENIČKO-DOBOJSKOG KANTONA IZ REDA ZDRAVSTVENIH RADNIKA USTANOVE – NE OTVARATI".

Oglas ostaje otvoren 14 dana od dana njegovog posljednjeg objavljivanja, a isti će biti objavljen u „Službenim novinama Federacije Bosne i Hercegovine" i u dnevnom listu „Dnevni avaz".

Neblagovremene i nepotpune prijave neće se razmatrati.